

Arquitecto Yvonne W.E.B.

"POSIBLEMENTE NA CUMINZAMENTO DI APRIL EDIFICIO ARENDS LO KEDA CLA"

ORANJESTAD (AAN) -- Den entrevista cu DIARIO, Arquitecto Yvonne Webb, kende ta dirigi Oficina di Monumento, a menciona cu e departamento aki ta trahando hopi duro, aunque tur esfuerso aki ta "tras di cortina".

E problema mas grandi cu e departamento aki ta confronta cune, den e proceso di conservacion di monumento-nan nacional ta e falta di placa, y esey ta e motibo pa cual nan no por traha riba hopi edificio pa aña.

"Un empuhe grandi cu mi ta haya cu e Fondo di Monumento a haci ta di saca e calendario cu a worde acepta y cu tur hende a keda contento cune. E ta un trabao artistico bunita y cu ta promove nos herencia. Pesey nos ta kere cu otro aña lo nos bolbe bin cu e calendario aki", Yvonne Webb a bisa.

PETICION PA CAMBIO DI LEY

Sra. Webb ta splica cu otro trabao importante cu e Departamento ta haciendo actualmente ta un proposicion pa cambio di ley pa cu monumento.

"Nos a manda un proposicion aden pa cambia nos leyman pa conservacion di monumento di manera cu no tur hende por basha un edificio abao con cu ta. E meta ta pa obliga legalmente un doño di edificio cu e mester mantene su propiedad, pasobra ora nos declara un edificio "monumento" nos no ta bay kite for di e doño. E mes ta keda doño pero nos ta obligue si, pa e mantene y a cambio di esey, cu e ta keda limita cu e no por haci cu su edificio kico cu ta mas, nos ta bin cu un programa unda di nos banda nos ta duna un subsidio cu nos ta cubri cierto parti di e restauracion pe; y e tin cu fia un tiki placa cerca nos tambe, pa e mantene su edificio. Esaki ta e plannan global cu nos tin y mi kier a muestra cu tras di cortina nos ta trahando pero pa wowo di pueblo nan no ta bay wak algo ainda".

E RETO MAS GRANDI

Yvonne Webb ta sigui bisa cu



e reto di mas grandi cu Oficina di Monumento ta bay tin den actualidad ta e procedure di EEG pa financia e trabaoan di restauracion di "Cas Ecury" cu ta tuma mas tempo.

Por cierto Sra. Webb a menciona cu lo trata di mantene e fachada di e edificio na un manera mas original posible, aunque paden si lo mester bin algun cambio pa adapta e lugar na e necesidnan cu tin, ya cu manera el a menciona caba (den nos edicion di diamars) e complejo di 7 edificio aki mas Edificio Henriquez lo bira nos "Museo Nacional".

Yvonne a menciona cu ainda falta haya sa di e personal concerni (Museo Arqueologico, p.e) kico exactamente nan kier, y cuanto espacio nan lo mester. Intencion ta tambe pa den e mesun edificio aki crea un espacio grandi pa exposicionnan di arte plastico, cu ta algo cu Aruba tin un necesidad grandi di dje, pa asina por acentua e parti aki di nos cultura.

EDIFICIO ARENDS

E desarojo den e restauracion di e edificio historico "Cas Arens" na Wilhelminastraat ta bayendo hopi bon. Riba e topico aki tambe a conversa cu Arquitecto Yvonne Webb.

"Mi por bisa cu e trabao ta hopi leu caba y manera e ta bayendo nos ta calcula cu na cuminzamento di April e lo bin cla y por worde habri. Manera ta conoci Registro Civil y Oficina di Censo lo muda pa e edificio aki".

E proyecto aki a tarda basta aña prome cu por a cuminza cu su realizacion.

"Esaki ta un proyecto cu no a bay sin incidentenan pasobra ora bo planea algo pa cuminza drecha un edificio bieu, tin cosnan cu bo no sa di antemano. Sorpresanan cu bo ta haya na caminda cu bo no tabata sa di antemano cu nan tey. Esey a duna un stagnacion chiquito".

Otro motibo pa cual e proyecto a cuminza un tiki laat tabata e proceso pa saca e ex-habitantenan di dicho edificio.

"Esaki tambe a trece retraso cune, ya cu nos mester a cana huridicamente e caminda legal pa por a saca nan".

Yvonne Webb ta indica cu e

a haya e edificio y con e ta kedando awor aki. Ta dos "polo opuesto" y aki por mira cuanto esfuerso a haci pa Aruba haya un joya di edificio bek, manera "Cas Arens" lo bay bira, y ta di spera cu henter nos comunidad lo aprecia esaki despues di tanto aña cu e edificio aki a keda den total abandono, deteriora, y casi casi den ruina.

COLABORACION DI PRENSA

Sra. Webb kier a probecha e oportunidad aki pa gradici prensa en general pa su aporte, apoyo y colaboracion pa cu Oficina di Monumento, loke ta stimula su persona y coleganan pa sigui dilanti cu e trabao importante aki, cu nan ta realizando pa rescata mas y mas edificio historico di Aruba, cu ta parti integral di nos cultura.

DR. PABLO BRICEÑO PIMENTEL

FACS-FSAGES

Cirugia de la Vesicula biliar - Reflujo Esofagico
Colon-Utero y Ovarios Asistida por Video - Laparoscopia Clinica
el Avila 6a Transversal de Altamira, Caracas Lunes,
Miercoles y Viernes de 2 a 7 p.m.
Telefonos: Clinica 261 1444 - 2618083
276 1066 - 2761076
Habitacion: 2637329
Busca persona: 731 5111 - Clave 9800
Celular: 014 - 334441

ARQUI-ALUMINIUM


Fabrica di Aluminium

**Nos ta fabrica
Porta, Ventana,
cura den tur diseño
y size, Sliding Door,
Show case etc..**

Tel/Fax: 8255558

Tomatenstraat 6A, Dakota

Windows & Doors Palace



Single Hung windows, Sliding windows
Casement windows, tur den P.G.T. di
U.S.A. - French Doors.
També nos ta traha cura di Aluminium
y store fronts di Aluminium cu glass.
Nos ta haci Reparacion y Mantencion.

Flemmingstraat # 12
Tel: 831464 / Fax: 836341

CUMpra C.V. JOINT NOBO NA C.V. JOIN GARAGE

Tel: 850330 - Fax: 850330

y bo ta haya **Free Installing**

Corolla Afl. 300,=
Starlet Afl. 300,=
Tercel Afl. 300,=
Sunny B-11 Afl. 300,=
Sunny B-12 Afl. 325,=
Sunny B-13 Afl. 325,=
Mitsubishi Afl. 325,=
Hyundai Afl. 325,=

**També nos ta bende
brake pads Sunny - Toyota,
nos ta service, Tune-up y
overhaul motor**